



Broj: 01-01-34-2156-1/21  
Sarajevo, 29.10.2021. godine

Na osnovu člana 32. Uredbe sa zakonskom snagom o ustanovama („Službeni list Republike BiH“, broj: 6/92, 8/93 i 13/94), člana 27. Statuta Javne ustanove „Služba za zapošljavanje Kantona Sarajevo“ Sarajevo (br. 05/1-3306/08 od 22.05.2008. godine; 05/1-0224/12 od 08.02.2012. godine; 05/1-0542/12 od 21.03.2012. godine i 05/1-0867/2016 od 27.06.2016. godine), člana 23. stav (6) Kolektivnog ugovora za službenike organa uprave i sudske vlasti u Federaciji BiH („Službene novine Federacije BiH“, broj: 11/21) i člana 101. stav (1) Pravilnika o radu Javne ustanove „Službe za zapošljavanje Kantona Sarajevo“ Sarajevo, (broj: 05/1-1703-UO/16 od 07.11.2016. godine; 09/1-0364-OU/18 od 22.02.2018. godine; 09/1-0550-UO/18 od 16.03.2018. godine; 09/1-1770-UO/18 od 14.08.2018. godine i 09/1-2225-UO/19 od 18.07.2019. godine), *donosi se*

## RJEŠENJE

1. ██████████, radnica Javne ustanove „Služba za zapošljavanje Kantona Sarajevo“ Sarajevo, raspoređena na poslovima i radnim zadacima stručnog saradnika za posredovanje u zapošljavanju - savjetodavac u Sektoru za posredovanje u zapošljavanju i materijalnu i socijalnu sigurnost nezaposlenih osoba. Osnovna plaća radnog mjesta na koje je imenovana raspoređena uvećava se za 20 %, jer je pored poslova svog radnog mjesta na koje je raspoređena privremeno obavljala poslove i drugog radnog mjesta, odnosno i šefa Biroa Centar u Sektoru za posredovanje u zapošljavanju i materijalnu i socijalnu sigurnost nezaposlenih osoba.
2. Imenovana radnica je privremeno obavljala poslove drugog radnog mjesta iz tačke I ovog rješenja u periodu od 07.10.2021. do 29.10.2021. godine.

## Obrazloženje

Rješenjem o privremenom obavljanju poslova drugog radnog mjesta, broj: 01-01-34-2156/21 od 06.10.2021. godine radnica ██████████ koja obavlja poslove i radne zadatke stručnog saradnika za posredovanje u zapošljavanju - savjetodavac u Sektoru za posredovanje u zapošljavanju i materijalnu i socijalnu sigurnost nezaposlenih osoba, ovlaštena je da, zbog odsutnosti šefa biroa Centar, mijenja i privremeno pored poslova svog radnog mjesta, obavlja i poslove radnog mjesta šefa biroa Centar navedenog Sektora.

U skladu sa navedenim rješenjem, imenovana je, u periodu od 07.10.2021. do 29.10.2021. godine, pored poslova radnog mjesta na koje je raspoređena obavljala i poslove drugog radnog mjesta, odnosno poslove šefa biroa Centar.

Odredbom člana 23. stav (6) Kolektivnog ugovora za službenike organa uprave i sudske vlasti u Federaciji BiH („Službene novine Federacije BiH“, broj: 11/21) je propisano da će rukovodilac organa donijeti rješenje kojim se osnovna plaća državnog službenika i namještenika uvećava za procenat do 20 %, za period u kome, pored poslova svog radnog mjesta, privremeno obavlja i poslove drugog radnog mjesta.

Imajući u vidu odredbe člana 19. stav (3) Zakona o radu („Službene novine Federacije BiH“, broj: 26/16 i 89/18), te odredbe člana 71. Kolektivnog ugovora za službenike organa uprave i sudske vlasti u Federaciji BiH („Službene novine Federacije BiH“, broj: 11/21), a uz primjenu člana 23. stav (6) navedenog kolektivnog ugovora, odlučeno je kao u dispozitivu ovog rješenja.

**Pouka o pravnom lijeku:** Protiv ovog Rješenja može se izjaviti prigovor Upravnom odboru u roku od 30 dana od dana prijema Rješenja. Prigovor se predaje ovoj Službi neposredno u pisanom obliku ili se šalje poštom preporučeno.



**Dostaviti:**

- Imenovanj,
- Odjeljenju za finansijske poslove i trezor,
- Odjeljenju za informatičke poslove
- Evidenciji
- A/a.

